

Pakikipagtulungan sa iyong abugado

Sa ibaba ay ilang mga tip na makatutulong sa iyo upang mapaunlad at mapanatili ang isang positibong pakikipag-ugnayan sa iyong abugado

Bago maganap ang iyong unang pagpupulong

- Itsek ang halaga ng pasimulang konsultasyon at kung gaano ito katagal aabutin.
- Itsek kung ang abugado ay may karanasan o dalubhasa sa bahagi ng iyong usaping pambatas.
- Isulat ang mga detalye ng problemang pambatas: ano ang nangyari, kailan ito nangyari at kung sino ang nandoon .
- Gumawa ng mga kopya ng anumang mga dokumento na maaaring may kaugnayan sa iyong usaping pambatas.
- Isulat ang mga nais mong itanong sa abugado.
- Isulat ang resultang nais mong matamo sa iyong usapin.
- Kung sa iyong palagay ay makatutulong, isaayos na samahan ka ng isang kaibigan, kamag-anak o taong tagasuporta sa unang pagpupulong.
- Isaayos na mayroon kang makukuhang interpreter kung kailangan mo nito.

Pagkatapos ng unang pagpupulong

- Magtanong tungkol sa mga gastos (o tulong pambatas kung kailangan mo ng pinansyal na tulong).
- Gumawa ng mga tala ng mga sinabi sa iyo.
- Bigyan ang abugado ng kopya ng mga talang inihanda mo at ang mga dokumentong ginawan mo ng kopya.
- Sagutin nang malinaw ang mga itinatanong sa iyo ng iyong abugado.
- Magtanong sa abugado kung hindi mo naiintindihan ang isang bagay o nais malaman kung ano ang kailangan mong gawin.
- Magtanong sa abugado para sa kahulugan ng anumang mga salitang pambatas na hindi mo naiintindihan.
- Magtanong sa abugado kung ano ang umiiral na mga opsyon upang maharap ang iyong usaping pambatas.
- Sabihin sa abugado ang anumang mga pangambang mayroon ka tungkol sa iyong personal na kaligtasan.
- Magtanong sa abugado kung ano ang susunod na mangyayari at kung gaano katagal maaaring abutin upang maasikaso ang iyong usaping pambatas.

Patuloy na mga konsiderasyon

- Gumawa ng mga tala ng mga sinasabi sa iyo ng iyong abugado.
- Magkasamang itabi sa isang file o folder ang mga talang ito at ang lahat ng mga sulat at mga dokumentong ipinadala sa iyo ng iyong abugado.
- Sabihin sa abugado kung nagbago ang anuman sa iyong personal na mga detalye.
- Magtanong sa abugado kung hindi mo naiintindihan kung ano ang nangyari o kung ano ang mangyayari sa susunod.
- Kung ang problemang pambatas ay kinapapalooban ng isang kaso sa hukuman itanong sa abugado kung ano ang ibig sabihin ng agree to “settle” (sumang-ayon para “maayos”) ang iyong usaping pambatas sa halip na pumunta sa hukuman (gayundin ng kung ano ang kahulugan nito para sa mga gastos pambatas).
- Magtanong sa abugado kung ang mga gastos ay malamang na tumaas mula sa orihinal na pagtatantiya.

Kung may problema ka sa iyong abugado

- Sabihin nang direkta ang iyong mga alalahanin sa iyong abugado o sa kasamang tagapangasiwa ng iyong abugado.
- Magpalit ng mga abugado (ngunit mangyaring tandaan, na maaaring itago ng abugado ang iyong file hanggat mabayaran mo ang iyong mga legal na gastos).
- Kung hindi mo malutas ang usapin, kumontak sa Legal Services Commissioner, ang natatanging daan para sa makatarungan, independiyente at mahusay na paghawak ng mga reklamo tungkol sa mga abugado sa Victoria.

Karagdagang impormasyon?

Legal Services Commissioner
5/555 Bourke Street

Melbourne VIC 3000

tel 1300 796 344 (lokal na tawag sa loob ng Victoria)

tel 03 9679 8001

fax 03 9679 8101

email admin@lsbc.vic.gov.au

www.lsbc.vic.gov.au

Maaaring makakuha ng serbisyo ng tagapagsalin